

30. maj 2017

**Meeqqat qinngamikkut-, siutimikkut qinersimikkullu ajuuteqalersartut ikilisarniarlugit pinaveersimatitsiniarnerup qanoq annertusarneqarnissaanut kiisalu ilaatigut siullunnerit kingunerisaannik meeqqat inersimasullu tusillalersimasut tusaaniarnermikkullu akornusersimasut qanoq ikiorserneqartarnissaannut apeqquteqaat aallaavigalugu oqallinnissamut siunnersuut.**

(Inatsisartunut ilaasortaq Debora Kleist, Inuit Ataqatigiit)

Siullertut Debora Kleist, Inuit Ataqatigiit oqallisissiaanut soqutiginarlumut Siumumiit qujavugut. Imatut oqaaseqarfigissavarput.

Siulluttuuneq qinngatigullu akornuteqarluni anniaateqarneq meeqqat akornanni ukiorpassuarni atugaasoq ilisimavarput. Ajoraluartumillu nalinginnaalersimasutut isikkoqalersimapput meeqqat nappaataattut nalinginnaasutut taaneqartalerlutik. Kisianni siunnersuuteqartup maluginiagaattut isumaqarpugut tamanna pinaveersaartinniarlugu iliuusissanik eqqortunik nassaartariaqartugut.

Naak Naalakkersuisup akissuteqaataani ersarikkaluartoq qujanaraluartorlu Peqqinnissaqarfiup iluani immikkut tamakku nappaatit ikiorserniarlugit suliniuteqartoqareersoq, taamattoq isumaqarpugut ilaatigut tamakku pinaveersaartinniarlugit naalungiarsuk mikineraniilli naartuuneraniillillu illersorniarlugu anaanaasoq imminut ilormiunilu pillugit nerisatigut mianersorluinnartariaqartartoq.

Takusaannarpagut anaananngortussat ilaatigut peqqinnanngitsunik nerisaqartartut, naak oqarniar-toqartaraluartoq pissakinneq pillugu ilaatigut peqqinnanngitsunik inuussutissartaqarpiannngitsunillu nerisaqarneq pisinnaasartoq, oqartariaqarpugut uagut timerput nunamut maannga naleqqussar-simasuuvoq. Nerisassallu nunap tunniussinnaasai annertuumik timitsinnut illersuisinnaasarpur, taamaattumik kaammattuutiginaqaaq naartusut sapinngisamik peqqinnartunik nerisarnissaat nerisat ilaatigut apeqqutaallutik meeqqap peqqissusaa innarlerneqarsinnaasarmat.

Anaanap immua tassaavoq meeqqamut inoorlaamut pitsaanerpaaq akiuussutissaqarnerpaarlul. Miluffittortillugit meeqqap siutai kuussinnaasarneri takusarsimavagut, tamannalu peqqinnanngim-mat ilaatigut aseruunnermik pilersitsisinnasarpooq inuunerullu ingerlanerani akornutinngorsin-naalluni. Taamaattumik pingaaruteqarlunnarpoq meeraq eqqarsaatigalugu miluffik sapinngisamik atortinnginnissaa, anaanap immua tassunga nallersuunneqarsinnaanngimmat.

Meeqqat qinersimikkut, siutimikkut qinngamikkullu aseruuttoortarnerisa kinguneranik ilaatigut ilikkartarneq annikillisinneqarsinnaavoq. Timitta malugisaatai tallimaasut qanoq ilikkartarnitsigut pingaaruteqartigisut ilisimavagut, taamaattumik sapinngisamik angerlarsimaffinni eqqiluisaarnissaq pingaaruteqarlunnarpoq maanngaanniit eqqaasitsissutigissallugu pissusissamisoortut isigaarput.

Naak nalitsinni atortorissaarneruleraluartugut ilaatigut meeqqamut kingunerluutit inuunerup ingerlanerani ajoqutaasinnasarpur, nalunngilarput sumiiffinni assigiinngitsuni atuarfiit iluanni atortorissaarutit tamanit siuarsimanerpaanngitsut. Kisianni isumaqarpugut kommuneq atqutigalugit ikiorsiinissamut aqquiti pitsaasut ujartorneqartuaannartariaqartut.

Nunatta iluani misissuinerup takutippaa qanoq timitigut innarlarsimasut amerlatiginerannik, soorlu siunnersuuteqartup tamatuminnaga ersarissaakkaatigut. Taamaattumik maanngaanniit soqutigisari-sariaqarpagut meerartatta peqqinnarnerusumik timikkullu pitsaanerusumik atugassaqaassappata pitsanngorsaaajuannarnissarpur, aamma qaammarsaanikkut.

Timi erlinnartuuvoq sutigut tamatigut paarilluagassaq. Meeraagaluarpat inersimasuugaluarpat pingaaruteqarpoq Peqqinnissaqarfiup iluani naapertuuttumik sumiikkaluaraanni sullinneqarnissaq.

Oqareernittuut atortorissaarutit pitsanngoriartoraluarput assinganilli qammarsaaneq aamma siamarsartariaqarparput.

Nunatsinni peqqissutsip pingaartinneqarnera iluatigeqaarput taamatullu aallunneqartuaannarnissaa iluatigisariaqarlutigu. Meeqqat anniartut takugaangatsigit nalunngilarput qanoq ikiorusunnartigisartut Siumumiillu isumaqarpugut siusissukkut iliuuseqarnerup tamakku ilaatigut pinaveersaartissinnaagai.

Qujanaqaarlumi nunatsinni IPIS-tut ittut siunnersuisinnaallutillu pikkorissaanermik ingerlataqartoqarsinnaalermat, kisiannili ilisimasagut piginnaasattalu killiffii eqqarsaatigalugit pitsanngorsaaju-aannarnissarput ataatsimoorfigisariaqarpagut.

Uani aamma annertuumik eqqarsaatigalugit meeqqat nappaataannik taasakkagut, taakku illersusagutsigit ilumoorpoq naleqqussaannissaq aamma pisunut iliuuseqarsinnaanissaq pikkoriffigine-rusariaqaripput.

Qujanq oqallisissiamut.

Laura Táunâjik  
Siumut